

Ս. ՀՈՎՀԱՆ ԱՍԿԵԲԵՐԱՆԻ ԱՂՈԹՔՆ Ի ԴԵՄՍ ՍՈՒՐԲ ԵՐՐՈՐԴՈՒԹՅԱՆ

1

Ամենակալ անարատ Աստված՝ անսկիզբ Հայր՝ անտեսանելի, անքովանդակելի, անպատմելի, անպարագրելի, անփոփոխելի, անիմանալի, անհասանելի:

Որ միայն Դու՝ անմատչելի լույսի մեջ բնակվածդ, անմահություն ունես:

Որ Բո խոսքով ստեղծեցիր երկինքն ու երկիրը, ծովն ու ցամաքը և դրանց մեջ եղած բոլոր արարածներին, և Բո Հոգով գոյացան բոլոր ստեղծվածները:

Եվ մարդկային ազգի նկատմամբ Բո անչափելի սիրո պատճառով ուղարկեցիր Բո Միածին Որդուն՝ փրկելու մեզ Ադամի անձնքից:

Նա, որ երկնքից իջնելով, Սուրբ Հոգով մարմնացավ սուրբ և անարատ կույս Մարիամից, և մարդկային բոլոր կոքերը կրելով, բացի մեղքից, ազատեց մեզ մեղքի բեռից:

Եվ մեզ համար խաչի ու մահվան համբերելով, մեզ փրկեց սատանայի ծառայությունից և կուռքերի երկրպագությունից:

Եվ մեզ սովորեցրեց ամենասուրբ Երրորդությանդ զլուխ և ծունկ խոնարհել, աղոթք մատուցել և մեղքերի թողություն խնդրել:

Եվ հարությունից հետո զանազան ճշաններով քառասուն օր երևաց Իր աշակերտներին՝ նրանց հետ հացով հաղորդվելով՝ կենսաբեր տնօրենության հավատքի հաստատության համար:

Եվ Իր հարության քառասուներորդ օրը երկինք վերանայիս, ձեռքը դրեց աշակերտների վրա և օրհնեց՝ նրանց տալով առաքինության կատարյալ շնորհները:

Եվ նրանց միտքը բացեց՝ հասկանալու գրքերը, և նրանց պատվիրեց մնալ Երուսաղեմում, սպասել աստվածային խոստմանը և երկնավոր ու մարդասեր Հոր ավետիսին:

Դու, Տեր, Բո անբավ ողորմության շնորհները պարգևեցիր մարդկային ազգին:

Ուղարկեցիր Բո Էակից ու փառակից Սուրբ Հոգուն մեծ կիրակի օրը՝ Փրկչի հարության հիսուներորդ օրվա լրանալուց՝ երրորդ ժամին, երբ նախահայր Ադամը Սուրբ Հոգով գոյացավ որպես կենդանի հոգի՝ աստվածային փշմամբ, ապա պտղի ճաշակումով կորստյան մատնվելով և մահանալով, այս ժամին վերստին է կենդանաստեղծվում՝ Սուրբ Հոգուդ իջմամբ առաքյալների դասերի մեջ:

Որը հրեղեն լեզուներով երևալով, նստեց նրանց վրա և լցրեց նրանց ամենառատ շնորհով՝ խոսելու բոլոր լեզուներով, և լսողների մոտ միաձայն սպասավորելով Սուրբ Հոգուդ, որով և որպես առաջին՝ ծնունդ ծնելով երեք հազարից՝ Հոր և Որդու և Սուրբ Հոգու անունով, նրանք առաջինը երկրպագեցին սուրբ Երրորդությանդ:

Որոնց հետ և մենք այսօր խոնարհեցնում ենք մեր ծնկներն ու պարանոցները և աղաչում ենք Բո առաքյալների հետ, ընդունիր վերջիններիս հետ մեր և նրանց երկրպագությունը, ովքեր նույն արժանավորությամբ խորհրդաբար երկրպագել են Բեզ մինչև այժմ:

Լսիր մեզ մեծ Պենտեկոստեի այս օրը, երբ Սուրբ Հոգիդ ուղարկեցիր ստորիմների մեջ՝ Քո որդի Հիսուսի երկինք համբարձվելուց հետո, և երբ հավատով դիմում ենք Քեզ:

Քո սրբության բարձունքներից նայիր Քո ժողովրդին, ովքեր կանգնած են Քո առջև և Քո մեծ ողորմության ակնկալությունն ունեն:

Ուղարկիր այսօր քարերար Սուրբ Հոգուդ Քո տաճարի և նրանում հավաքվածների մեջ, ինչպես այն ժամանակ ուղարկեցիր վերնատանը՝ առաքյալների մեջ:

Որովհետև այստեղ նույնպես Քո Միածին Որդին մշտապես պատարագվում է, ինչպես վերնատանը, որտեղ սուրբ խորհուրդն ավանդելով՝ աշակերտներին բաշխեց խորհրդավոր ըմթիռի ժամանակ և նրանց ոտքերը լվաց. և երևաց փակ դռներով վերնատանը հարության երեկոյան առաջին կիրակի օրը, և դարձյալ՝ ութերորդ օրը:

Եվ Պենտեկոստեի օրերի ավարտին Սուրբ Հոգիդ, հողմի փչումով իջնելով, այն օրեց հրով՝ իր մեջ սուրբ միաբանվածներով հանդերձ:

Որի համար փառավորում ենք Քեզ, բարերար Տեր, մեր Տիրոջ՝ Հիսուս Քրիստոսի Հայր, և աղաչում ենք Քեզ ամբողջ սրտով, քաղցրությամբ նայիր մեզ, գթությամբ և ողորմությամբ հիշիր Քեզ ապավինածներին, տառապածներին ու դատապարտվածներին, շոջիր բանասարկուի կողմից բանտված մեր ոգիների գերությունը և կանգնեցրու ընկածներին ու կործանվածներին:

Աղաչում ենք Քեզ, մարդասեր Տեր, որովհետև թեպետ և մեղանչեցինք, սակայն ավագանի արգանդից դեպի Քեզ դարձանք, և Ռու ես մեր Աստվածը, մեզ բաց մի թող Քո ձեռքից, որովհետև ունայնության մեջ նվազեցին մեր օրերը, մենք նախատվեցինք թշմամիներից և մեզ ատողների համար ծաղր ու ծանակի առարկա եղանք:

Այլ հուալով Քո ողորմությանը, որ այս օրերին եղավ, հայցում ենք Քեզանից, մեր առջև բաց արա Քո ողորմության դուռը և սրբիր մեզ մեր մեղքերի գաղտնիքներից:

Տես Քո ծառաների խոնարհությունը և թողություն տուր մեր կամա և ակամա, գիտակցաբար ու անգիտակցաբար կատարած բոլոր հանցանքներին:

Քավություն շնորհիր Քո ժողովրդին և ամենքին մաքրիր Սուրբ Հոգուդ գորությամբ:

Փրկիր մեզ թշնամու բռնությունից և մեր կյանքն ամուր պահիր բանասարկուի չարահամար որոգայթների դեմ:

Խաղաղության հրեշտակին հանձնիր մեզ, Ռու, որ նախքան մեր հայցելը, պատրաստում ես մեր պետքերը:

Արժանացրու մեզ խոստովանությամբ ու ապաշխարությամբ դառնալ դեպի Քեզ՝ նախքան մեր վախճանը:

Սուրբ Հոգուդ ընդունելության տաճար դարձրու բոլորին՝ սուրբ առաքյալների հետ, և մեր անունները նրանց հետ միասին գրիր կյանքի գրքում:

Մեզ ամենքիս ժողովիր Քո արքայության մեջ վերին Սիոնում՝ երկնային ու բարձրագույն վերնատանը: Որովհետև Քոնն է ողորմությունը, և Քեզ և Քո Միածին Որդուն և Սուրբ Հոգուդ ենք փառք վերառաքում այժմ և միշտ և հավիտյան հավիտենից, ամեն:

Մեր Տեր Հիսուս Քրիստոս, որ Քո խաղաղությունը շնորհեցիր Քո առաքյալների՝ փչելով նրանց վրա, և սուրբ Հոգիդ այսօր հայտնապես պարզեցիր նրանց: Որը գալով Հորից՝ բնակվեց նրանց մեջ, նրանց տրտմությունը փառատեց և հրեղեն լեզուներով նրանց լեզուների վրա հանգչելով, նրանց բերանները բացեց՝ խոսելու բոլոր լեզուներով:

Եվ բոլոր մարդկանց, որոնք աշտարակից բաժանվել էին քաղմաստված մոլորություններով, միավորեց ճշմարիտ երեքանձնյա զորությանդ մեկ աստվածգիտությամբ, սովորեցրեց բոլոր լեզուներով մեկ Աստծո փառավորել՝ ողջ տիեզերքում ավետարանի քարոզությամբ, և ծունկ խոնարհեցնել միայն նույն Աստծուն, ինչպես այսօր մկրտությամբ նոր ծնված երեք հազարը:

Որոնց թեև և մեծը՝ նույն Հոգով լուսավորված, հավանով ծունկ ենք խոնարհում ամենասուրբ Երրորդությանդ առջև և աղաչում ենք՝ միաբան հավաքվածներս:

Նայիր ինձ՝ անարժանիս, որ ժողովրդի աղոթքը Քո սուրբ սեղանի առջև Քեզ եմ մատուցում:

Բաց արա, Տեր, իմ մեղավորի շուրթերը, ինչպես երանելի առաքյալներիդ, և լցրու մեզ Քո Սուրբ Հոգով՝ Քեզանից տրված բոլոր շնորհները հաղորդելու Քո ընտրյալներից: Եվ իմ բազում մեղքերի պատճառով մի արգելիր Քո ողորմությունը մեզանից, որ հույսով կանգնած ենք Քո առջև և Քո անբավ գթությունից ենք հայցում:

Քո ծառաներին արժանի արա աստվածային պարգևներիդ, իմաստության ու հանճարի, խորհրդի ու զորության, գիտության ու աստվածապաշտության և Քո երկյուղի հոգով լցրու մեր մտքերը, և մեր մեջ սուրբ սիրտ, ուղիղ հոգի և մաքուր միտք նորոգիր, մարդասեր:

Դու, որ ճավահանագիստ ես ճավողների համար, Քո սուրբ Հոգով մեր ընթացքն ուղղիր անբիժ ճանապարհի մեջ՝ միշտ խորհելու Քո օրենքի վրա, պահելու Քո պատվիրանները, կատարելու Քո հրամանները և քարոզելու Քո խոսքերը: Մեր աղոթքներն ու խնդրանքները բարության մեջ ավարտիր:

Դու, որ մեր ախտահարված բնությունը միացրեցիր Քո անախտ աստվածությանը, և դրանով մեր կարիքներիժ հաղորդակից եղար և մեր փխտերը բժշկեցիր:

Լսիր մեզ, մեր փրկիչ Աստված, և խոնարհեցրու Քո ականջը դեպի Քո սուրբ եկեղեցում հավաքվածներին երկրպագությունը՝ սուրբ վերնատան Քո ընտրյալների մահուությամբ:

Արբիր մեզ մեղքերի բոլոր պղծություններից և սուրբ Հոգուդ ուղարկիր միաբան հավատացյալներին մոտ, որպեսզի բնակվի մեր մեջ, լուսավորի մեր մտքերը աստվածգիտության լույսով, առաջնորդի մեզ քո պատվիրաններն ամենայն ճշմարտությամբ պահելու և դարձնի աստվածային կտակարանների օրենսգետ, որը խոսեցին մարգարիները, առաքյալներն ու վարդապետները՝ Սուրբ Հոգու միջոցով, և որը մեզ սովորեցնելու ու զորացնելու է՝ ամեն ինչ կատարելու:

Աղաչում և պաղատում եմ Քեզ, որպեսզի հաշտությամբ նայես Քո ժողովրդին՝ ի զին Քո սուրբ արյան, իմ բազում հանցանքների պատճառով մի անտեսիր սրանց հայցվածները, որովհետև Քո փրկածներն են և դեպի Քեզ են ձեռքերը բարձրացնում ու հաշտություն խնդրում:

Արդ, ընդունիր սրանց մաղթանքների ծնրադրումն ինչպես նոր լուսավորվածների՞նը, և սրանց ձեռքերի համբարձումն ընդունիր որպես երեկոյան պատարագ, իսկ սրանց աղոթքները՝ որպես անուշահոտ խունկ՝ Քո բարերար Տերության առջև, և Քո թևերի հովանու տակ ծածկիր սրանց՝ պահելով երևելի ու աներևույթ թշնամիներից:

Որպեսզի անարատ քրիստոնեությամբ ապրելով այս աշխարհում, Քո բոլոր սրբերի հետ արժանի լինենք երկնային կյանքիդ, և գոհանալով փառավորենք Քեզ Հոր և Սուրբ Հոգուդ հետ միասին, այժմ և միշտ և հավիտյանս հավիտենից, ամեն:

3

Դու, որ գործությամբ Տեր ես, Աստված ճշմարիտ, լույսի և կյանքի աղբյուր՝ անքննելի կերպով բխելով Հորից, հրաշագործ Սուրբ Հոգի, որը սուրբ առաքյալներին խոստացավ մեր Աստված՝ Քրիստոս, Նա, որ մահվամբ մահվան կապանքները քանդեց և մեղքերի սկզբին անլուծանելի կապանքներով արգելափակեց անշեջ հրի ու արտաքին խավարի մեջ՝ այնտեղ ամուր փակելով պիղծ վիշապին՝ իր ապստամբ գործության հետ միասին, և այնտեղ բանտարկված Ադամի որդիներին՝ անջեցյալներին, դուրս հանեց դժոխքից՝ իր հարությամբ:

Եվ մեր բնությամբ հանդերձ բարձրանալով Հոր մոտ, բոլոր բարիքների ավարտին ու բոլոր խորհուրդների կատարման ժամանակ Քեզ՝ Ոորոգող ու կենդանարար սուրբ Հոգուդ, տրտմածներին մխիթարիչ ուղարկեց:

Դու՝ Աստված, որ խոնարհվեցիր Հայր Աստծուց և եկար վերձատուց, Դու, որին երկինքը չէր կարող տանել, և անճառելի խնդությամբ ու շնորհներով ցրեցիր Քո ընտրյալներին, որոնց ուղարկեցիր ողջ աշխարհում կենաց խոսքը քարոզելու:

Որոնք ողջ տիեզերքը լցրեցին Քո գիտությամբ, Տեր, և մեկ Աստվածությունդ ճանաչել տվեցին ողջ աշխարհին՝ վերացնելով կոտրքերի սնուտի պաշտամունքը:

Սուրբ ավազանով հեթանոսներին ծնեցին որպես երկնավոր Հորդ որդեգիրների, և բոլորին ամենասուրբ Երրորդությանդ երկրպագողներ դարձրեցին:

Բոլոր վայրերում դրեցին սուրբ եկեղեցու հիմքերը և հարդարեցին Քո փառքի սեղանը, որից անմահական խորհրդով կերակրեցին բոլոր Քեզ հավատացողներին:

Երկինք երկինք դարձնելով՝ երկրայիններին դասակից դարձրեցին երկնայիններին:

Եվ արդ, մեր Տեր Աստված՝ ողորմած և մարդասեր, լսիր մեր պաղատանքները, որ հայցում ենք Քեզանից, և երկնային հանգստի մեջ ընդունիր մեր անջեցյալների հոգիները, որոնք լուսավորվելով հոգևոր ծննդյամբ՝ քրիստոնյա անվան արժանացան, և հաղորդվելով աստվածային մարմնին ու արյանը, հավատով ու ուղիղ դավանությամբ հեռացան աշխարհից, որոնք և հիշատակը կատարեցինք այսօր փրկական պատարագի հույսով՝ Քո երևման մեծ օրը:

Ամենակալ Տեր, մահկանացուների ու անմահների Աստված՝ ամեն ինչի արարիչ և կյանքի ու մահվան Տեր, մարմնի խնամող, և հանդերձալու՜մ երկրի բոլոր ծագերի հույս, Դու, որ մեծ Պենտեկոստեի տոնի վերջին օրը՝ վերձատուց մեջ Քո փառավոր գալստյամբ ուրախացրիր Քո անունով հավաքվածներին, լսիր և այժմ մեր աղաչանքի ձայնը և հիշիր նախկին անջեցյալներին՝ մեր հայրերին ու եղբայրներին, և հանգստացրու Քո սրբերի խորանում լույսի վայրում:

Հիշիր նրանց աղոթքներն ու պաղատանքները և խոստովանությունը՝ կյանքի ու վախճանի ժամանակ, և թողություն շնորհիր նրանց բոլոր հանցանքներին, և բոլորին արժանացրու սպասելու ապագա բարիքի ու փառքի հատուցմանը, որը պատրաստեցիր Քո սիրելիների համար, և նաև նրանց հետ օրհնելու ամենասուրբ Երրորդությանը:

Եվ մեզ՝ Քո անունով Քո սուրբ տաճարի մեջ հավաքվածներիս՝ Քո ամենակեցուցիչ գալստյան օրը երկրպագողներիս ու տոնողներիս, շնորհիր երկնային խաղաղությունը և մեղքերի հեռությունից հոգիների ու մարմինների նորոգում՝ ապաշխարությամբ ու արտասուքներով վերստին ծնվելու, և բոլորին, սուրբ առաքյալների հետ, զորացրու զգաստությամբ ու արդարությամբ՝ Քո բնակության համար, որպեսզի մեր մեջ չարի համար տեղ և մուտք չլինի:

Հրեղեն լեզուներով սրբիր Քո ծառաների շուրթերն ու լեզուները, որպեսզի արժանի լինենք հոգևոր օրհնությամբ հոգեղենների հետ երգելու, սաղմոս ասելու և ամեն ժամ աղոթելու, սուրբ սրտով և խոնարհ հոգով բանավոր պաշտամունք մատուցելու Քեզ, և սրտի խորքից արտասվալից պաղատանքով Քեզանից քավություն խնդրելու:

Եվ մեր ողջ կյանքն ամրացրու ու Քո երկյուղով պարսպված պահիր չար խորհուրդներից, խոսքերից ու գործերից:

Եվ մեզ արժանացրու ի հաճույս Քեզ ապրելու, մեր ընթացքը Քո կյանքի համաձայն ճշմարիտ խոստովանությամբ կատարելու, և ջերմեռանդ զղջումով, փրկական խորհրդի հաղորդությամբ, քահանայական մոտեցումով, նվերներով ու պատարագներով մշտապես Քո սուրբ սեղանի առջև հիշատակ կատարելու:

Ծնկի գալով Քո առջև, աղաչում ենք, մարդասեր Սուրբ Հոգի, որպեսզի նաև մեր հոգիների ընթացքը մարմնական կենցաղի մեջ պահես, որպեսզի ամերկյուղ անցնենք և փրկվենք օղային ու պիղծ դևերից, և առաջնորդես դեպի ճշմարիտ երկիր՝ դեպի երանավետ կյանք ու արդարների օթևան, որտեղ սրբերի հոգիներն ուրախությամբ օրհնում են Քեզ, և հաջորդ նորոգման՝ Քո Էակից Փրկչի գալստյան ժամանակ, արթնացնես բոլորին՝ հրեշտակապետի փողի ձայնով ու Աստծո խոսքով:

Իսկ Դու, մեր Աստված և Տեր, Սուրբ Հոգի, երբ հարությամբ ստանաս բոլոր մարդկանց և յուրաքանչյուրին հոգով նորոգես, փրկիր զհենցի սպառնալիքից ու անցներեղի տանջանքներից և Քո սրբերի բանակին խառնիր Քո անունը սիրողների հետ՝ որպեսզի երկնքի արքայության ժառանգորդներ լինենք:

Եվ մենք՝ Քո բանավոր հուղը և Քեզ հավատացողները, օրհնելու և փառավորելու ենք ամենասուրբ Երրորդությունը, այժմ և միշտ և հավիտյանս հավիտենից. ամեն:

Աշխարհաբարի վերածեց
ՄԻՔԱՅԵԼ Ծ. ՎՐԴ. ԱՋԱՊԱՀՅԱՆԸ